

DISSERTATIO ACADEMICA

De

PRÆCIPVIS SAPI-  
ENTIÆ IMPEDI-  
MENTIS

IN ACADEMIA IENENSI HABITA

*d. XV. Nov. anno M DCC V.*

RESPONDENTE

O. FRIDERICO Neufirch /  
Olsnens. Siles.

*iamiam auctior recusa.*

---

Litteris MULLERIANIS.

THE  
LIBRARY OF THE  
MUSEUM OF NATURAL HISTORY  
27011

NEW YORK  
100-11  
100-11

100-11  
100-11

Q. D. B. V.

## PRAEFAMEN.



Vod dudum omnes docuit tristis  
experientia : nihil eorum, quæ  
ad hominum bona referuntur,  
sine multo labore ac cura cui-  
quam contingere, id non sine  
ratione speciatim de vera genuinæque dixe-  
ris sapientia. Quemadmodum enim illa  
nil nisi viua & efficax veræ felicitatis hu-  
manæ cognitio est adeoque utique ad ma-  
xima hominis bona pertinet ; ita & hoc cum  
reliquis commune habet, ut maximis ubi-  
que circumseptâ reperiatur difficultatibus,  
quæ cursum ad ipsam tendentium innu-  
meris modis impedire sustinent. Equidem  
ipsa, quam loquor, sapientiâ natura sua  
non nisi simplex est & facilis ; aditusque ad  
eam, quod ipsius spectat arbitrium, deside-  
ranti vnicuique optimo patet : ast tot aliunde  
de se offerunt vanitatis stultitiæque machi-  
nae, quæ multos terrent, plures morantur,  
plurimos ab eo, quem assequuti sunt, gradibus  
deiciunt. Atque hinc credo, factum est,

quod antiquissimi sapientiae cultores sub ipsis fabularum inuolucris fuerint conque-  
sti: dum aureum vellus suum tot periculis,  
tot malis circumseptum ob oculos posue-  
runt nobis. Nil enim impedit, quo magis  
apud eos sapientiae, quam artis chemicae  
aut historiae mosaicae imagines quaera-  
mus, uti FRANCISCUS BACO B. de VE-  
RVLAMIO pluribus ostendit.\* Interim,  
quidquid hujus sit, res ipsa nobis omnibus  
constat, nec facile reperietur quispiam, qui  
studia sapientientiae emensus, de eo non  
conqueratur. Licet hoc simul dolendum  
sit, impedimenta haec curatius a paucis per-  
pendi, adeoque a plurimis ignorari. Mo-  
uerunt haec subinde pensitata animum no-  
strum, ut constituerimus praesenti scriptio-  
ne de nonnullis sapientiae impedimentis  
paucis agere, eorumque pro virili detegere  
origines, praesertim cum, qui idem antea  
ex professo quod aiunt, fecerint, nobis ha-  
ctenus cogniti sint pauci. Nouimus equi-  
dem eruditissimas meditationes, quas hanc  
in rem insumserunt venerabilis D. JO.  
ANDR. SCHMIDIVS in *dissert. de Sapientia*  
*Ienae 1694. habita*, & clarissimus SAMUEL  
GROSSER in *diss. de difficultatibus cursum sa-*  
*piientiae hodie morantibus Lipsiae 1699. habita*, nec  
disfi-

\* in *tractatu de sapientia Veterum. opp. p. 1248.*  
*seq.*

disimulamus illas aliquando nostris cogitationibus occasionem praebuisse. Ast quilibet tamen facile perspiciet, nos plane alia ratione alioque instituto in hac materia esse versatos, adeo ut neque doctissimorum virorum laboribus quid detraxisse, neque scriptum scribere aut actum agere iure infirmulari queamus. Quemadmodum autem impedimentorum nomine significamus actiones, consuetudines, opiniones, quae causae & occasiones existunt, cur plurimi in corruptione intellectus voluntatisque maneant; ita odiosum quandoque suscipere coacti fuimus negotium, tangendo vitia non vni sed plurimis communia. Fecimus tamen id cordate & sine acerbitate, nec vnius hominis arrosimus famam, quippe qui non inglorium tantum, sed & indecorum existimamus, in singulorum vitiis enarrandis, sine causa laborare. Ideoque eo magis veniam merebimur, si quandoque de vitiis multis communibus, ut res postulat, significantia fecerimus verba, *malentes cum SENECA\* veris offendere, quam placere adulando.* Poteramus multa quae notauimus, propriis meditationibus experientiaeque vindicare, ast hac quidem vice satius existimauimus, aliquid seculi concedere moribus, & aliorum quandoque implorare subsidium,


fidium, qua in re ita ingenue fuimus versati, ut ne quenquam tacerimus, qui nobis vel minima ex parte praestitit auxilium. Exempla hoc negotium illustrantia, ubi se sponte obtulerunt, adducere nec inutile duximus, nec iniucundum. In allegandis quibusdam Graecorum Autorum cogitatis abstinuimus data opera a graeci textus longa recitatione, quum harum rerum petiti facile fontes ipsos adeant, reliqui vero nauseam exinde contrahere possint. Condonabunt etiam Ciceronianae latinitati consecrata ingenia, si quandoque ad ipsorum palatum accommodata minus fuerit oratio. Praeter id enim quod haec festina opera & subcisiuis quasi horis fuerint consignata, rerum fuimus studiosi, parum verborum, Philosophos agentes, a quibus vel ipse summus CICERO *eloquentiam si non habeant, non admodum stigmat.* \* De caetero Tu B. L. vale & conatibus nostris veritatis virtutisque amantibus faue.

\* *Lib. I. de Fin. p. III.*

## Conspectus Dissertationis.

- §. I. Inter Impedimenta primum notatur : in-  
consideratus parentum ad generationis ac-  
tuum accessus. §. II. Prava infantiae educa-  
tio. §. III. Vanae pueritiae factae persua-  
siones. §. IV. Immatura pueritiae studia.  
§. V. Praeceptorum severitas. §. VI. per-  
versa methodus discendi a verbis ad res pro-  
greddens. §. VII. Occultatio rerum phy-  
sicarum & oeconomicarum. §. VIII. So-  
lus memoriae cultura. §. IX. Nimia La-  
tinitatis cura. §. X. Neglectus culturae vo-  
luntatis. §. XI. Neglectus scrutinii inge-  
niorum. §. XII. Nimiis eruditorum nu-  
merus. §. XIII. Academiarum multitu-  
do. §. XIV. Dignitatum academicarum  
abusus. §. XV. Multitudo Librorum.  
§. XVI. Odium Libertatis sentiendi. §. XVII.  
Humilis de literis humanioribus & Philoso-  
phia persuasio. §. XVIII. Ignoratio vero-  
rum conceptuum de eruditione generatim.  
§. XIX. Deprecatio specialiori tractationis.

### §. I.

 On miraberis si Sapientiae impedi-  
menta cum ipso homine nasci existi-  
mantes ab ipsa eiusdem origine re-  
petemus, quum alias constet hominis mise-  
riam una cum ipsius corpore produci. Hinc  
in impedimentorum Sapientiae classe pri-

num sibi iure vindicat locum inconsideratus plurimorum Parentum ad generationis actum accessus, qui miseris parentibus subinde producit progeniem longe vitiosiore. Ita vix crediderit quispiam homines ad sapientiae studia aptos alacrique ingenio praeditos progigni posse, cum parentes aut senio confecti, aut, quod maiori cum stultitia coniunctum est, bene poti, aut etiam laboribus delassati procreandae soboli intempestive student. Dum enim subtilissimae corporis humanae particulae; aut motu suo ordinario priuatae aut tumultuarie circumactae ad foetum producendum concurrere inuiti coguntur, non possunt non eundem, quo momento temporis gaudent, motum foetui producendo communicare, ut hinc tot proueniant parentum alioquin callidissimorum inertes trunci, cerebro confuso utentes, & ad omne studiorum genus ineptissimi liberi. Itidem cum parentes summis male sanorum affectuum stimulis concitati ad opera veneris peragenda prouunt, sanguis quo communicatur, eodem postea se exerit habitu, ut hinc utique vltima repetenda sit causa, quare infantum alii ad res habendas, alii ad concitados irae motus, alii ad delectationem sensuum sint procliuiores, adeo ut ita propensiones ipsorum per omne vitae tempus se exerant, licet multo ipsis obui-



obuiam eatur molimine. Imo vix dubito  
parentibus tribuere quod alii ad hos, alii ad  
istos errores sanctissimarum veritatum loco  
sibi persuadendos sint paratiores, cum a  
constitutione cerebri pendeat quodammo-  
do idearum impressio, ista autem haud du-  
bie a constitutione seminis paterni. Vnde  
nunc facile est iudicare, quanta hinc sapi-  
entiae metuenda obstacula, quae ipsi in-  
gressum in tot hominum animos praeclu-  
dunt. Sapienter hinc graecanae philoso-  
phiae praecipuus instaurator PYTHAGO-  
RAS apud IAMBLICHVM \* cum suis sta-  
tuit: *Nasciturae soboli in antecessum providen-*  
*dum esse ab iis, qui liberis procreandis operam*  
*dant: primam vero & praecipuam cautionem,*  
*circa ipsam generationem adhibendam illi, qui*  
*soboli generandae animum admauet: ut victu*  
*sobrio & salubri utatur, neue alimentis intempe-*  
*stive se inurgitet, aut ebrietate praecipue, alia*  
*ue perturbatione corporis habitum deteriorem*  
*reddat. Exstimabant enim e prauo, dissono-*  
*que, & turbido temperamento, vitiosa semina*  
*edi. Et post pauca: hanc enim grauissi-*  
*mamque iuxta evidentissimamque causam*  
*esse, quod plurimi hominum mali atque impro-*  
*bisint: quia nimirum liberorum progeneratio*  
*apud plerosque belluino ritu & temerarie insti-*  

a 5 tuitur

\* de vita Pythagorae c. 31. p. m. 211. 212. 213.

“ *caitur.* Eodem modo PLVTARCHVS \*\*  
 “ prohibet, patres, ne cum quibuscvis mulieribus  
 “ rem habeant, utque aut omnino vini vacui, aut  
 “ saltem mediocriter eodem vsu proli gignendae ope-  
 “ rentur, iubet. Conferri oppido huc mere-  
 “ tur qui plura suppeditabit HVARTI tra-  
 “ ctatus \* : qui generari fierique ingeniosi ac sa-  
 “ pientes possint liberi.

§. 11. Crescente aetate crescunt quo-  
 que impedimenta, & qui morbis natus est  
 obnoxius, sequenti tempore saepe iisdem  
 plane obruitur, & vna cum lacte materno  
 toxica bibit venena. Vtique referri huc  
 meretur praua ipsius infantiae educatio, tot  
 pene se exferens modis, quot dantur huius  
 educationis negotia. Enimuero impedit,  
 sapientiam matrum nutricumque incuria,  
 plane non curantium quam parati ad lacte  
 suo cibandum infantulum procurrant. Ha-  
 bendus erat summus nutricum delectus, nec  
 quaeuis sed summe valentes summaeque  
 probae erant addiscendae, si PLVTAR-  
 CHVM \* audiremus. Hoc vero dum ne-  
 gligitur saepissime vna cum lacte infantibus  
 veneret stimuli olim cum impetu erupturi,  
 melancholiae prousiones, & exorbitantis  
 cholerae impetus simul infunduntur. Non  
 impro-

\*\* *ἡ παλαιὰ ἀγωγή* sub init. Tom. II. opp.  
 p. 1. \* *prod.* latine conuersus Iemas 1663. 8.

\* l. c. p. 3.

Improbabile hoc erit iis, qui experientia edocti norunt, varios etiam in adulta aetate variorum ciborum effectus, quos ob oculos habuisse videtur non PYTHAGORAS solummodo, sed & ipse diuino collustratus lumine Legislator MOSES. Istud pluribus ostendit Venerandus Praeceptor noster D. BVDDEVS\*, hoc facile patebit iis, qui mosaicas leges cibarias physice & moraliter curatius sunt lustraturi. Atque hinc non subit mirari, unde saepissime in infantulis statim magno agmine proveniant maximae prauorum affectuum concitationes: quibus dum sedandis parentes alique admouent operam, nil aliud saepissime faciunt, quam ut concitatiore vi impofterum erumpant. Aut enim omnibus modis iisdem indulgent, aut quod mea opinione minoris prudentiae esse videtur, verberibus rem conficere laborant, nil aliud effecturi, quam ut effectus irae, peruicaciae, quotidie augeantur, nisi summa adhibeatur cautio. Quibus omnibus qui non impediri sentiat sapientiam, ille desipientiae origines ac incrementa non satis obseruasse, imo ne cogitasse quidem deprehenditur.

§. III. Obest porro parentum praefectorumque stultitia ingressui sapientiae in  
animos

\* in *Dissert. de Axiomat. Philos.* §. IV. §. V.

animos liberorum, dum eos vanis & insanis  
 persuasioneibus, vel ioco vel ex alia causa  
 occoecare gaudent. Sic a teneris vsque  
 docentur cerebrum suum ad asininam quan-  
 dam parare credulitatem, vt dein sequutu-  
 ro vitae tempore ex praeiudicio & opinio-  
 ne non loquantur tantum, sed viuant. At-  
 que ita assuescunt Deum sibi sub specie ho-  
 minis bene barbati, & poma cruciato insi-  
 dentis fingere, angelos corporeis alligare  
 conceptibus, & albicante indutos veste ad-  
 mirari: vanis terriculamentis ad metum  
 anserinum compelli, & nescio quid non,  
 spectri, vel minima mota luce cernere.  
 Oriuntur hinc tot etiam adulta aetate ad-  
 haerentes praeiudicatae opiniones, tot va-  
 nitatis falsitatisque commenta, vt plures et-  
 iam facibus praelucentibus ab iisdem dedu-  
 ci non queant. Sed non opus est his diu  
 immorari, cum pluribus hoc tetigerit IO.  
 CLAVBERG. \* Placet potius Philosophia  
 diuini PLATONIS apud PLVTAR-  
 CHVM \*\* sapientissime nutricibus prae-  
 cipientis, ne quasuis fabulas pueris reci-  
 tent, ne horum animi a principio stoliditate  
 ac prauitate occupentur, cui affinia docet,  
 IO. LVDOVICVS VIVES \* addens ratio-  
 nem:

\* in *Prolegom. Logicae speciatim* c. III. p.  
 11. -- 23. \*\* *l.c.* p. 3. \* *de femina christ. Lib.*  
 11. p. 505.

nem : hinc ex anilium fabularum relatione , fieri , ut quidam ex prima ista educatione in grandio rem aetatem vel teneros vel smatos & pueriles animos referant , nihil ut graue ac prudens audire & sustinere queant. Neque hoc est saltem intellectus infortunium , voluntas eadem corrumpitur ratione , dum tota excitantur affectus , qui animum adulta aetate ad res bene gerendas ineptum faciunt. Mea opinione prudentia educandi exinde elucet , quando parentes liberis omnem praebent occasionem , non cuitandi tantum ideas falsas , sed & puerili oculo ad ipsam usque veritatem penetrandi. Imo inter boni ingenii indicia repono animum a coeca credulitate etiam prima aetate alienum , neque possum assentiri celeberrimo praesuli de FENELON \* qui praeiudicia ad bonum directa enixe commendat , alias enim bruta quoque Deo placeret fides pictasque , quod & Scripturae & rationi contrariatur.

§. IV. Mirabitur forte non vnus , si dixero : ipsa studia sapientiae studium impedire ; interim dolendum est , id ipsum vtique esse verissimum. Enimvero studia immatura & puerili aetate praecipitata , nimiosque , quos aliquando obruntur ingenia , labo-

\* *de educatione Filiarum p. 93. edit. quae Ha-  
lae germanice prod.*

labores, non possum non in hunc censuram referre, quum & ex naturali corporis constitutione & morali mentis contemplata id pateat. Inspice, si placet puerilis cerebri plurima abundantis fluiditate constitutionem, & poteris ipse facili ratione colligere, magno & intempestivo motu atteri ingenia, atque in vapores denique ac fumos exire. Accedit insuper interna mentis natura, quae hac ipsa aetate aut nimio impedita phlegmate cito corporem induit, aut animo si unquam delectationi sensuum & varietatibus rerum sectandis dedito, studiorum concatenatione, eorundem horrorem contrahit. Unde plurimi austeram sibi & odiosam fingunt sapientiam, quae non aliter ac sacra castigatrix hominum animis dominetur eosque seuerâ coactione, ferro pistrinoque adstringat intolerabili, quod certe opprobrium, quo communius eo grauius accidit sapientiae. Haec blanditias, fauorem, beneuolentiamque quotidie spirat, nec quicquam boni proponit, cuius non sit iucunda & acquisitio & possessio. Sed quicquid huius sit; obtinet tamen vesana opinio, ingeniaque cum summo eorum, detrimento ad studia non manducantur, sed trahuntur imo rapiuntur; scilicet ut gratuletur sibi sancta parentum simplicitas de vocabulis, sententiisque quas puerulus tremulanti voce, pistrati in-

stat

*de praecipuis Sapientiae impedimentis.* 15

Itar ad vnguem enumerat: atque sic satis fiat eruditissimae, si Diis placet, docentium stultitiae.

§. V. Accedit porro inepta homines erudiendi methodus, qua tum parentes domi, tum praeceptores scholastici seuera frontis ruga omne conficere se posse existimant negotium. Pauci credo praeceptores suos, vt M. ANTONINVS PHILOSOPHVS \* Alexandrum Grammaticum; laudare possunt, quod ab increpationibus sibi temperarint, neque ignominiose castigarint, si quis barbarum, soloecum aut absonum quid protulerit; aut non errauero si dixerò, plurimè & nunc eadem in ludis literariis experiri facta, quae olim in auunculi statuarii officinâ perpeffus est LVCIANVS, vt, si non Magistri prae imperitia percutientis tabula, tamen miserorum libellorum capitibus illis rumpantur asserculi: adeo vt multos apud locum inueniat §. 3. Et *Iulianus* l. 5. π. ad L. Aquiliam; nec non l. praeceptoris enim 6. π. ad L. Aquil. Scilicet si consilium prudens QVINTILIANI \* sequi vellemus: cauere oportebat, ne studia qui amare nondum potest, oderit, & amaritudinem semel perceptam etiam vltra rudes annos reformidet.

Sed

\* εἰς ταὐτὸν βιβλ. α. p. m. 157. \* vid. eius *Sorinium* p. m. 4. \* lib. I. p. m. 10. *Instit. orat.*

Sed & hic rem inuertimus, & quos paulo ante manu dextra adducebamus, mox iterum non secus ac ANTISTHENES DIOGENEM apud AELIANVM\* abigimus. Sic videas orbillos tales domi pueris omnem loquendi sumere licentiam, a ludis coercere etiam maxime innoxiiis & ad ingenii culturâ facientibus, ubi vero ludum literarium fuerint ingressi quotidiani subsunt carnificis manibus. Unde est, quod multi ad adultam aetatem iam progressi linguae habenas nondum reliquerint, obstupefcantque, quoties ex officio etiam verba sunt facienda. \*\* Dum autem a ludis aliisque puerilis aetatis negotiis arcetur, studio ipsis ingenii debilitantur vires, quas licita condire debebat hilaritas, quae sic tandem in scelestissimam abit peritiam. Plures praeterea laborum obruuntur copia, dum vel nimio vnius laboris penso adstringuntur, vel quod & communius & magis damnosum existit, diuersarum coguntur audire lectiones materiarum, easque domi omnes resumere, unde inconcinna confusio infinitis modis turbat, puerorum ingenium, nec postea ea ad praxin deducere iustoque applicare loco pos-

\* *hystor. var. Lib. X. c. 16.* \*\* *Confer quae hanc in rem obseruauit Christianus Thomasius de ICIorum prudentia consultatoria c. VII. §. 57. 58. seq.*



possunt, uti observat HVARTVS. \* Ast sic moris est, sic procurrunt ad scholas cum colligata librorum mole pueruli, scilicet ut cepae misceantur allio, acquiratur tenuis adhuc cerebri inopia, tollaturque, quicquid provida numinis benevolentia in ipsa natiuitate concesserat, ad sapientiam aptatum. Seueram si spectes coactionem, non secus ac naturam humani corporis adhibitis generosis remediis in morbis acutis, ( ut loquitur Dominus de FENELON \*\*) eadem, debilitantur ingenia, aut malitia magis magisque indurantur, adeo ut facilius sit nimia indulgentia deiectos, quam nimia seueritate depressos in virtutis reducere tramitem. observante prudenti quodam Autore ANONYMO Gallo. His ex causis non est mirandum, tot subinde ad literas natos, literas tamen cane angueque peius fugere, cum radices literarum etiam ipsae dulces tanta Praeceptorum imperitia felle condiantur. Sanior est Philosophia PLINII \*\*\* qui Rul-tae huic seueritati occinit: *Cogita & illum puerum esse & te fuisse: atque ita hoc, quod es pater (praeceptor) vivere, ut memineris & te hominem esse, & hominis patrem, cui iungen-dus SENECA \*\*\*\* pluribus disputans; Vter*

b

prae-

\* in scrutin. ingen. c. III. p. m. 86. \*\* l. c. p. m. 45.

\*\*\* Lib. IX. epist. XII. \*\*\*\* de Clement. lib.

I. c. 16.

praeceptor liberalibus studiis dignior, qui excarnificinat discipulos, si memoria illis non constiterit, aut si parum agilis in legendo oculis haeserit, an qui monitionibus & verecundia emendare & docere malit.

§. VI. Nescio cur non & huc referam peruersam, vniuersalem licet discendi methodum, qua omnis a verbis & literis incipitur institutio, cum modo inuerso procedere iubeant logicae sanioris regulae. Debebant prius infantia ingenia imbui necessaria quotidianarum rerum etiam moralium cognitione, a qua dein commodè manuduci poterant ad ipsarum denominationem. Ast res inuertitur, & discimus vocabula quorum saepissime nullum percipimus sensum, licet via contraria & maiori agilitas & maior ingenii constantia possit obtineri. Vnde marcescit memoria, licet quotidie ruminetur perforeturque, & ubi ad solidiora & vitam communem ventum est, & coeci adparemus, surdi, muti, claudi. Vitam prius, loquelam postea largitur naturae beneuolentia, homines curant posterius, prius proiciunt in crastinum: & tum docet viuere, cum dimidium iam effluxit, vitae breuissimae tempus. Imprimendae erant ideae viuidae & realiter praefertes, non mortuae, non remotissimae & in obscura se saltem sistentes imagine. Illud soli.

solidam & sanam progignere poterat eruditionem, ad quam praeparantur pueritiae pectora; hoc falsam nutrit sapientiam; & superficialia nos fallit cognitione. Sed obstat communis opinionum, quae mundus regitur; oraculum, obstat praesens & auctoritate publica sancitus scholarum status; obstat multorum praeceptorum ignorantia; negligentia; pigritia.

§. VII. Pertinet huc quoque imprudens plurimorum parentum cautio, ne liberi puerili aut adolescente aetate rerum domesticarum & physicarum cognitionem acquirant, quo ipso partim impediunt; ne a teneris prudentiae oeconomicae cognitione imbuantur, quod tamen consultissimum erat; & simul augent ipsa occultatione, imò vitiosam reddunt iuventutis curiositatem, quippe quae aperta indifferenti adspicit oculo, occultata vero, in malitiae suae conuertit instrumenta. At sic fallitur nimia hominum prudentia, & a vitis arcere volens, magis magisque ad eadem manu ducit, abducens ab his, quorum usus per totum vitae cursum se diffundit. Hinc videas saepe viros erudito nomine superbientes, qui vel confectionem butyri ignorant, vel mures & feles ex stercore domestico profici cum aniculis sibi persuadent, vel cum

P. Schinerio Ordinis Loiolae. Socio apud

NAVDAEVM silicem loco pretiosi lapidis ex India orientali oriundi, (quem Bezoram vocant) venerantur. Dum enim bonorum ingeniorum indicatrix curiositas parentum de rebus obuenientibus, vel de solo hordeis apto, vel de usu fermentorum, vel aliis rebus oeconomicis quaerit relatum, responsum ut plurimum accipit: quid haec ad Te? quaere quid prophetaet Donatus, Vestibulum, Orbis pictus, Grammatica, & quae sunt alia literariae iuventutis crepundia, quasi, ac si ea non essent magis necessaria cognitu, quae ad quotidianum vitae commercium pertinent, & omnis eruditionis obiectis illustrandis aliquando inservire poterant. Interim tantum potest inueterata opinio, quae uti paedagogicae affectationis germana est soror; ita non potest non omni molimine sapientiae prudentiaeque obistere, adeo ut nescio qua religione, viris doctissimis & boni publici cupidissimis vitio vertatur, quod iuventuti naturalis doctrinae studiosae structuram humani corporis, eius origines aliaeque huc pertinentia luculenter exponant.

§. VIII. Egregie huic partim obtemperat, partim succurrit praeceptorum socordia, qui optimum vitae tempus solius memoriae cultura (ruptura potius dicenda) perdunt, insuper habitis iis omnibus quae aut ingeni-

ingenium, aut iudicium attinebant. Ita enim comparatum est cum humanae mentis virtutibus, ut nimio cultu atterantur, iusto pauciori autem plane marcescant: hinc qui memoriae omnem navant operam cerebrumque quotidie novis complent idearum cumulis, non tantum illi noxam adferunt, sed dum iudicium ingeniumque negligunt, nec prudenti meditatione ideas voluunt revoluuntque, atque ad usum referunt, ad horum exercitationem pene se ineptos reddunt. Harmonia reguntur facultates, harmonice quoque, id est, aequali ductu sunt vergendae. Hoc dum negligitur, tanta est hominum eruditorum copia, qui omnia ex aliis norunt, ex proprio ingenio aut nihil aut parum. Semoveas quaeso locos communes, compendia, systemata, florilegia, commentarios, dispositiones, thesauros, & semovebis ab ipsis simul optimam miserae eruditionis partem. Nudi comparebunt, & ubi ad extemporaneam rerum diiudicationem, propalationemque ventum erit, trepidanti mente & voce innumera proferent praestinae negligentiae argumenta, etiam apud rudes literarum aut nauseam aut risum movere apta. Miscebunt quadrata rotundis, rotunda quadratis, a baculo, quod aiunt, ad angulum colligent, ionem iurabunt lapidem, rodent ungues. & ni Deus quis-

piam ex machina subuenerit, solenni clausula intactum, quod susceperant, derelinquent negotium. Ita quaelibet sic est curanda facultas, ut neque atterantur nimium, neque plane supprimantur alterae, sed ut potius omnes sibi beneuolam inuicem, nauent operam: neque enim una sine reliquis multum valet, neque reliquae una sine damno carere queunt. Discendae itaque sunt linguae, discendae historiae, & quae his sunt affines disciplinae, mathesi quoque exercenda mentis acies, sed simul colenda linguae agilitas, tentandumque quid propria vel inuentione vel diiudicatione valeat animus. Hoc autem vix est sperandum, ubique, cum magna sit docentium affluentia, qui mentis vitia ac virtutes ne de nomine quidem norunt, & ad opinionem praescripti temporis omnem suae doctrinae cursum metiuntur.

§. IX. Atque ex hoc fonte profluit specialius impedimentum, quod praebet nimia latinitatis cura. Non is sum, qui existimet romanorum linguam qua tot ac tanta eruditionis monumenta ad nos posteros peruenierunt, plane negligendam & ex animis discipulorum eliminandam esse. Est illa insigne eruditionis instrumentum, qua sine non multum promouebitur, & utique videtur quodammodo necessarium uti aliqua lingua

qua multarum gentium eruditis communi.  
Sed instrumentum est eruditionis, non  
eruditio ipsa, cur itaque eidem ultra  
sexennium impendimus, cum illis linguis,  
quaeis sacrae perscriptae sunt literae, vix  
biennium imo ne hoc quidem tribuamus?  
Cur inquam adolescentiae persuadetur a vi-  
ris doctis, in hac scribendi exercitatione  
positum esse fastigium solidae eruditionis?  
cur sine delectu incanta iuventus omnes  
auctores classicios perreptare admonetur?  
Cur vernaculam contemnimus, eosque qui  
huic laudabili succurrunt opera, dissama-  
mur? Scilicet ut ineptam praestemus iu-  
ventutem communi vitae cui debetur, ut  
adsuecant maioribus destinata ingenia,  
sicut SENECA \* loquitur, pusillis occupa-  
ri, atque a pedantismo impediatur solida,  
quae in rebus non in verbis est, sapientia.  
Discatur linguae romanae decor, floreat  
eiusdem exercitatio, sed floreat simul ea-  
rum studium, quaeis vera sapientia & diui-  
na patet: Urgeatur etiam illa, quae mun-  
do patriaeque servire nos iubet numinis  
providentia. Applico huc verba, quae de  
latina suis vernacula lingua habet QVIN-  
TILIANVS: \*\* *Post latina non longe germa-*

.b 4

nica

\* *Epist. 150.* \*\* *Lib. I. Instit. Orat. p. 9. c. 1.*

nica subsequi debent, & cito pariter ire. Ita-  
 fiet, ut cum aequali curalinguam utrinque tueri  
 corperimus, neutra alteri officiat. Non male  
 REALIS de VENNA \* Iustus esse, existi-  
 mat, nos multis philosophari linguis, una uni-  
 versali, & aliquot particularibus, quam una, una  
 enim perit, multae simul non ita. Itaque non  
 contemnenda, ut saepe fit, sapientiae mo-  
 numenta, quae vernacula nostra compa-  
 rent, sed ostendamus nec nostrum genium  
 minus aptatum studiis, ac aliarum genti-  
 um, quorum scripta sibi vernaculis linguis  
 quotidie manibus nostrorum voluuntur.  
 Potuit MAGNVS RVDOLPHVS HABSBURGICVS eam producere in forum po-  
 liticum, ut hoc in eo laudat CASPAR  
 DORNAVIVS, \*\* cur quaeso erudito-  
 rum musea amplius reformider. Absit,  
 contentus neglectusque, absit vana aestu-  
 matio ab iis, quorum officium est omnibus  
 suum statuere pretium.

§. X. Pertinebat hoc negligentiae  
 genus maxima ex parte ad intellectum in-  
 desipientiae & imprudentiae vinculis detin-  
 endum: voluntatis neutiquam feliciora  
 sunt

\* in dubiis ad Christiani Thomasti Introd. ad  
 Philos. aulicam, ad c. 1. § 67 p. 49. \*\* in  
 vita Rudolphi Habsburgici p. 78.



sunt fata. In hoc saltem differunt, quod intellectus semper, sed via non satis conuenienti: voluntas, aut nunquam, aut modo plane praepostero instruitur. Non hoc desiderio, quod iuuenturi scholasticae Syntagmata ethica non dictentur, aut quod commentarii ethicorum Aristotelis non exhiberentur pro rostris scholasticis. Absit, neque enim hoc forte ubique exsulat, neque si rectius rem pensites ad voluntatem excolendam quicquam valeret, ut iam olim optime subodoratus est LVTHERVS\* & cordate monuit Dominus de SECKENDORF.\*\* Istud autem boni publici studiosi omnibus votis expetunt, ut teneris annis mentes ad miseriae humanae & intimae nostrae corruptionis manuducantur cognitionem, ut placide de virtutis admoneantur praestantia, utque ipsis non difficilia, sed iucunditate mixta commendentur media, praeceanturque, quod pene caput rei est, exempla, ad veram & duraturam felicitatem, quemadmodum aliquando PLATO se Speusippum vita sua emendare aiebat, apud PLVTARCHVM\*\*\*. Monstrentur insimul prudentiae decori & morum,

b      §      regulae,

\* *Tom. I. Altenb. f. 508.* \*\* *Christen: Staat Lib. III. c. 9 §. 4.* \*\*\* *de adulatore ab amico discrimine, Tom. II. p. 71.*

regulae, quae non ut vulgo sit memoriae imprimere, sed vita exprimere suadet ratio. Neque hic labor Praeceptoribus est proprius, neque certis horarum pensis est alligatus. Debebat id fieri & a praeceptoribus & a parentibus, quocumque se offerente, occasione. Quot sunt parentes, quot praeceptores, qui haec velint facere? quod sunt, qui possint? Abrogata est sapiens Imperatoris IULIANI \* constitutio, *Magistros studiorum oportere excellere MORIBVS primum, deinde facundia* praecipientis. Hinc fordent haec studia ingeniis ad maiora natis, quippe nulli ostentationi parata, & plus ille pretii tulisse creditur, qui antiquato alicui graecae vanitatis magistro obstetricantes addidit manus, prae illis qui animos ad verum virtutis tramitem manuducunt. Imo plurimi non negligunt saltem voluntatis culturam, sed plane oppugnant, dum data opera invidiae, aemulationis, odii, ambitionis affectus in animis excitant, suoque exemplo omnibus iusti, honesti, decorique regulis insuper habitis egregie cauent. Unde est quod sapientiae studio dicatae scholae saepissime abeant in scelerum & immodestiae officinas, quodque ad hunc us-

que

\* vid. l. 7. de Professoribus & medicis.

*de praecipuis Sapientiae impedimentis.* 47  
 quo diem repetendum sit SENECAE \* de  
 artibus liberalibus iudicium : Earum con-  
 sectationem molestos , verbosos , intempestivos ,  
 sibi que placentes facere , & ideo non discentes ,  
 ( adde docentes ) necessaria , quia superua-  
 cua didicerunt . Atque his ita se habentibus  
 necessano abest Numinis benedictio , cuius  
 absentiam optime primum studiorum im-  
 pedimentum esse existimavit , vir vt de omni  
 re literaria & scholastica , ita & speciatim de  
 nobis meritissimus CHRISTIANVS GRYPHIUS \*\* cui iungenda celebris KOCHII  
 Prof. Helmst. hac de re cogitata. \*\*\*

§. XI. Erant haecce Sapientiae pru-  
 dentiaeque impedimenta generalia ac quasi  
 prima , & cum iis qui literas prosequun-  
 tur , tum illis , qui ad aliarum artium tra-  
 huntur studia quodammodo communia.  
 Sunt alia adhuc non minus damnosa , quae  
 litterarum studiosis sunt propria , quae non  
 tam communes viuendi regulas suppri-  
 munt , quam speciatim sic dictae eruditio-  
 nis cursum . Sub ingressum studiorum plu-  
 rimis obest neglectum ingeniorum scruti-  
 nium

\* epist. LXXXIIX. \*\* vid. eius Poetisch Wäl-  
 der in Dramatischen Gedichten p. 1742.  
 \*\*\* in dissert. de impletate magno sapientiae  
 impediment.

num de quo videatur post HVARTVM \* venerandus Praeceptor noster D. IO. PHIL. TREVNER \*\*. Enimvero antequam adolescentes animum ad literarum studia penitus imbibenda applicarent, decebat prius cognitae habere ingenii vires, intellectus voluntatisque habitum, nisi coeci malint, duci ad istud vitae genus ad quod aut non satis apti aut penitus inepti apparent. Eruditio debet nostris mederi defectibus, defectus itaque sunt noscendi ut sciamus, quibus quam maxime occurrendum. Inquirendum hinc erat in vires mentis generatim, quantum illae ad studia apparerent idoneae: unde scrutanda veniebat ingenii imaginationisque promptitudo, iudicii acies, memoriae continentia: conferendae erant hae facultates inuicem, ut iudicium ferri posset, quae illarum prae reliquis praepolleat, quibusque addicere se posset studiis ille, qui iamiam ad eruditionis limina est constitutus. Discernendi erant gradus, quibus ingenia differunt, ita ut alii serius, alii citius maturecant. Habenda quoque voluntatis ratio, quarendumque ad quae vitia mens pronior appareat, an magis ambitionis,

\* in scrutinio ingeniorum latine expresso Iena 1663. 8. \*\* in dissert. scrutinio ingeniorum praemissa.

nis, an voluptatis, an avaritiae urgeatur stimulis. Hoc nisi quis fecerit, vana est plurima susceptarum curarum pars, & quae medicinam ferre debebat educatio, ut plurimum toxica miscet venena. Interim nihilo secius pene plerumque locorum exulat hoc scrutinium, aut exulavit saltem aliquot seculorum fluxu: ars raticionandi, quae est generale eruditionis instrumentum, impleta fuit nugiuendulorum scholasticorum crepundiis, ea vero, quae animum vere excolunt, mansere sepulta alta sub caligine. Imo cum ante annos viri doctissimi in arte dignoscendi animos hominum laborare inchoarent, homines de schola, qui his maxime indigebant, primi erant, qui instituto sapienti omnibus modis succensebant, sed quod mundo gratularunt, vanis irritisque conatibus. Atque haec est ratio, cur tam multi studiis se sacrari gaudeant, quos satius erat non Augiae sed alii cuiuspiam stabulo purgando inuigilare, quique viui instar sunt commentarii ad verba SENECAE\*: *male respondent coacta ingenia: reluctante natura irritus labor est.* Sed sic satisfit parentum votis praeceptorumque imprudentiae, qui asininam quandam ediscendorum penforum tolerantiam boni ingenii nomine

\* *de tranquill. animi c. 6.*

nomine compellant, ineptissimosque ad studia rapiunt, ignorantes vel ipsa nomina ingenii, iudicii, memoriae. Alii, qui his prudentiores videri postulant, alia peccant via, dum saepe eos arcent a studiis, qui studiis cum fructu ingenio maturescente erant inservituri. Nobis placet RENATI CARTESII<sup>1</sup> cautio, existimantis: *Pha*  
*illos promovere, qui rectam perperam viam in-*  
*sistentes, lenissimo tantum gradu incedunt,*  
*quam qui saepe aberrantes celerius gradiuntur.*  
 Hunc enim magis adiuuat iudicium, alium ingenium, alium memoria, haec diverso se exierunt tempore, adeoque multi, qui ad res memoriae & ingenii ineptissimi, videbantur, rebus iudicii cum fructu praesunt, & vicissim. Sed dum negligitur haec observatio, multi studiis inuigilant, in quibus per naturae suae constitutionem nihil laudabile praestare queunt: & neglecto inclinationum voluntatis scrutinio, multi dum studium eligunt, eligunt totius vitae cruciatus. Rectius itaque aut sibi consulunt, aut suis, qui cum IO. GOTTLIEB MEISTERO<sup>2</sup> primam prudentiae logicae regulam constituunt: *cognosce te ipsum.* Sed incumbit haec cura parentibus potius & praec-

<sup>1</sup> de methodo p. 10. 1.    <sup>2</sup> de prudentia logica  
 c. 11. §. 6. 7.

praeceptoribus, qui discipulis consilio assistere necesse habent: misera discipulorum turba sequitur, non qua decet, sed qua ducitur, via. Docentis itaque est traditorum sibi ingenium naturamque perspicere mone[n]te sapienter QUINTILIANO, \* ut semper obseruauerunt apud veteres scholarum magistri. Exemplum iis praeiuit ab Aegyptiis id edoctus, sapientiae graecanae stator PYTHAGORAS, qui ut post alios IAMBlichVS \*\* auctor est *auditores se accedentes scrutabatur quaeque, quomodo, cum parentibus & reliquis fuissent versati, ascendebat risum, silentium, sermonem, studia, diuturna, libera, familiares, laetitiae vel doloris apud eos, causas, oris speciem, incessum, totumque corporis motum.* Sequutus est eum laudabili instituto ARISTOTELES, quem GELLIVS \*\*\* neminem ad philosophiae subtilioris auscultationem admisisse scribit, nisi eius antea ingenium & eruditionis elementa atque in discendo studium laboremque explorasset. Idem de PLATONE obseruat HVARTVS. Exempla plura supeditabit, si conferre placuerit; veterum Philosophorum historia.

§. XII.

\* *Instit. Orat. Lib. 1. c. 3.* \*\* *de vita Pythag.* c. 17. p. 78. \*\*\* *Noël, Artic. Lib. II. c. 4.*

§. XII. Quemadmodum vero alias error errorem trudit, ita & hic vnum impedimentum plura subinde producit, & singillatim ex neglectu modo allatarum observationum consequitur, qui non minus sapientiae cursum remoratur: nimius eruditorum numerus. Etenim dum nullus habetur ingeniorum selectus, quilibet ad studia prouolat, inuitaque Minerva Eruditionis nomen ambire sibi honori ducit. Inde tanta literatorum, otiosorum inquam, hominum ubique deprehenditur affluentia, ut vel Homerus nouem Musis comitatus aliquando obulum quaerere necessum habeat. Accedit, quod plurimi sub studiorum ingressum scopum sibi praeficiant vanissimum, quodque de vero scopo literarum paucissimi admoneantur. Hoc si fieret, non tam multi literas colerent impio conatu, facileque deficeret nimius Eruditorum numerus. Ast dum quilibet vanae ambitioni suae litans honores, avarus opes, voluptuosus nescio quae commoda otiaque sibi ex literarum studio gratulatur, dumque malefani doctores vel hoc ipso nomine illis studia commendent, quotidie obexponitur verae & solidae sapientiae. Saniora sunt quae docuit literatissimus ERASMVS\*.

Equi-

\* in *enchiridio militis christiani* can. IV.



Equidem scio, multos ex innumero eruditorum numero Reipublicae literariae nescio quid non boni portendere, atque ex hoc ipso eiusdem felicitatem multis depraedicare nominibus. Ita enim iudicant qui praesentem Ecclesiae christianae faciem pulcherrimam, formam Imperii Romano Germanici optime regularem, & statum eruditionis felicissimum admirantur. Qui rem altius & mente a praesudiciis libera pensitat, facile videt, multitudinem non prodesse sed obesse, quum eruditorum status sit extraordinarius, adeoque paucissimis accommodatus, unde philosphandum i. e. studendum paucis, nam omnino eius abundantia haud placet. Eruditorum officium est aliorum regere actiones. quorsum opus quadam auctoritate: multitudo autem eorum paupertatem contemptumque conciliat. Quis quaeso sapientiae quid boni inde portendat, si videat praeforibus vnus hominis centum omnium bonarum artium magistros officio cuiusdam inhiantes cum sacculo, & vel pastoris, vel custodis, vel curatoris, vel praeceptoris titulum aut mercari aut emendicare gestientes. Inde tot miseri & indigni vnico misericordiae affectu intruduntur negotiis, quos impares, ut per totum vitae spatium ex gratitudinis lege, Patronis, Collatoribus, intercessibus miseram seruiant seruitutem. En tanti  
sunt,

sunt, qui mundum regere debebant ! proh ! quanta felicitas ! aliter autem credo res nostrae cederent, si nulli nisi idonei, nisi iustum scopum prae se ferentens, ad studia admitterentur, non currerent, sed deferri sibi paterentur officia : *sic minus esset eruditorum, plus eruditionis, ut verbis utar* REALIS de VIENNA\* qui hoc vlcus pluribus terigit : cui dudum proluserat prudentissimus Theologus SCHVPPIVS plura & maiora differens egregie.\*\*

§. XIII. Nullus dubito in hunc censum quoque referre academiarum multitudinem, quippe quae plurimis ansam dedit incommodis. Equidem non is sum, qui magnificam eorum auit arroderet famam, qui optimis ex rationibus haec extruxerunt sapientiae emporia, manebit eorum fama immortalitatis inserta fastis, nec vnquam de eorum laudibus contitescet aequa posteritas. Illud tamen dissimulari haud potest, quotidie aucto academiarum numero, neutiquam augeri eruditionis incrementa : nec semper bonae conditorum intentioni respondere euentum. Dum enim augentur, academiae, plures requiruntur sumtus ad alendos Doctores, sicque discenses distra-

hun-

\* in dyb. ad Chr. Thomasi Intrad. ad Phil. aul.  
p. 39. \*\* im Regenten Spiegel c. VII.  
p. 57-62.

huntur, ut quod per pauca fieri poterat, per plura contingat. Hinc augetur etiam auditorum numerus, quem antea in impedimentorum classẽ retulimus, quilibet Decentium auditorum caterua delectatur. Inde emittuntur Missionarii sumtus auditoribus alendis necessarios emendicantes, consilia suppeditantur de nouis, ut vocant, stipendiis, legatis, & id genus aliis erogandis, scilicet ut quotidie augeatur studentium numerus, nec vnquam otiosorum hominum defectus appareat. Stipendia, legata, alique sumtus literarii non impediunt sapientiam: conferenda erant larga manu, aut cum delectu & paucis, & nemini nisi maxime aptis ad literarum studia: non illis, qui in vira minerva accurrunt, patriae magis manu quam ingenio seruire apti. Horum autem postquam haecenus facta magna manus est, nescio vtrum non potius quorundam hominum consulatur pigritiae stultitiaeque, quam bono publico, & vtrum recte REALIS de VIENNA \* asserat: *illos magis patriae profuturos, si unum episcopum, quam centenos, imiles educarent, cum laborantium in Germania tanta sit inopia, otiosorum latinorum magna copia.* Praeterea distrahuntur non tantum facultates discipulorum, sed & docentes, cum

\* l. c. p. 3.

vix sufficiant tot academiiis viri docti, ut omnium disciplinarum partes toties expleri possint. Satius utique est vna gaudere academia, in qua quilibet officium suum rite, recteque & cum laude obeat, quam in decem Academiiis, vix decem videre viros, qui disciplinae suae novum addant splendorem, sed hoc iam monuit doctissimus SCHVFFNER \*. Interim non incommode huc quis retulerit mutatis paucis verba PETRI RAMI \*\* ad CAROLVM IX. Francorum Regem: *Tollatur editio tuo infinita Professorum.* (academiarum, scholarum) *turba, diligantur* (confirmantur adiuventurque) *idonei philosophiae Professores ordinarii* (academiae paucae sed bonae.)

§. XIV. Eruditorum academiarumque multitudini prono nexu cohaeret graduum dignitarumque academicarum abusus, & intempestivus eorundem ambitus. Quo plures enim literis operantur, eo plures quoque ambiunt dignitates academicas, eoque plures his sibi placent nominibus. Praeterea unicuique academiae interest, iurium suorum frui exercitio, unde quoque necesse est, ut definito tempore milites conscribantur

\* in dissert. de multitudine Librorum c. 1. p. 15.

\*\* in prooemio reformandae Parisiensis academiae in Orat. p. m. 366.

tur Apollini, cum autem dignorum, eorumque qui his titulis recte sint vsuri, non vbiq̃ue locorum magna sit abundantia, res redit ad Deos minorum gentium. Prouolare hinc videas quandoque huc illos, qui vix Ephebi apparent, quique vix vnā & alteram philosophiae partem degustarunt. Inde tot Therfigeritā pauci conspiciuntur Bacchi, frigetque, omnibus eam colentibus, derelicta solida sapientia. Inde sequitur, contemptus eruditionis etiam solidae, & quicquid etiam boni hinc inde in Academiis docetur, apud plures pedanteriae nomine audire solet. Exulat itaque philosophia, quoniam eam ignorant, qui hoc nomine superbiunt, & tolluntur bonae artes, quia quislibet artifex esse praesumit. Apposite, ERASMVS \* *inter immites bestias numerat illos, qui intra annum, septem artium liberalium titulum ac professionem susceperunt.* Mirum certe est, qui fiat, quod ferae hactenus tam caro veniant pretio, cum hi ipsi saepius quam bestiarum pulli proueniant, qui omnem doctrinarum ambitum simul ac degustant, deglutiant.

§. XV. Ut vnitas unitatem, ita hic multitudo propignit multitudinem: ea enim de quibus hactenus loquuti sumus omnes

\* in *methodo stud. theol.* p. 107.

concurrunt ad procreandam sobolem seipſis longe deterioreſ: multitudinem librorum. Nam dū plures eruditorum nomen ambiunt, plures quoque protruduntur commentarii, compendia, methodi concionandi, introductiones, & quae ſunt alia librorum genera. Nemo ſiquidem docti nomen meretur, niſi intempeſtiuſ conaſto ita inclareſcat, & vel neglectis grauioribus offici ſui curis libros ſcribendi ſibi datum eſſe credat negotium. Dum praeterea quaeſebet academia ex ſpeciminibus diiudicatur, neceſſum eſt quandoque illos, qui ei inſeruiunt, ad ſcribendum animum appellere. Accedunt praeterea conſtitutiones quae ſpecimina eorum qui dignitates ambiunt, expectunt, ut adeo vel ex his cauſis proueniat inexhauſta librorum multitudo, quae non poteſt non in inſigne ſapientiae cedere impedimentum. Equidem concedo, quod PLINIVM † maiorem dixiſſe memini, *nulum librum eſſe tam malum, ut non aliqua ex parte proſit*, quis enim hoc neget, quum omnes quotidie id adſirment tabernae aromaticae. Sed ubi damna maioris ſunt ponderis, quam illa utilitas, ibi quilibet facillime laudatae renunciat utilitati. Aut ſi qui ſunt, qui renunciare nolunt, illis recte applicaue-

ſis,

† Lib. III. epiſt. 5.

ris, quod ARISTO. apud STOBÆVVM † de illis inquit, qui dialecticae studium profunde rimantur: eos caneros edentibus simili-  
les esse, qui propter exiguum alimentum, circa  
crustas plurimas occupantur. Onerat discen-  
tem turba, non instruit, aiebat SENECA ††  
qui & alibi distrahere animum librorum  
multitudinem assererat. Quid quaeso nunc  
diceret, si nostro tempore post typographi-  
cae artis inventionem nostra videret volu-  
mina. Credo ego nulla hic opus esse da-  
mnorum longa enarratione, quum propria  
experientia id facile quemque edoceat. Imo  
eo lubentius ab ea abstineo, quo gratiora  
nobis fecerunt otia post alios OBSERVA-  
TORES, HALENSES ††† & SHVFN-  
RVS ††††. Placent autem in rem nostram  
apprime facientia verba IO. AMOS CO-  
MENII †††† Melius est pauca, sed & certa,  
& pleno numero & recte tenere, quam per in-  
finita volutari, quia hoc non nisi vagam & epi-  
nabilem, illud constantem & firmam eruditio-  
nem confert. Uti autem est haec rarissima,  
ita facile est iudicare, qui fiat, quod mun-  
dus quotidie novis non impleatur, sed pene

C 4 ob.

† serm. 79. fol. 424. †† de tranquill. animi c.  
9. & ep. 11. ††† obs. I. Tom. II. †††† in pe-  
culiari dissertatione de multitudine librorum.  
†††† in prodromo Panopb. p. 81.

obruatur vanitatis voluminibus, de charta in papyrum coniectis, cum dudum constet; mundum regi opinionibus. Simul quoque parebit curiosa & consideratu digna quaestio: cur nonnulli eruditi aut nihil aut parum scripserint; quam Rintelii anno 1701. doctissimus BIERLING peculiari dissertatione expendit. Quod si autem unquam, nunc consideratu digna sunt verba quae M. ANTONINVS † ad se ipsum reliquit: *Librum vero filium prolico, ne murmurans moriatur: sed vivere placatus.*

§. XVI. Licet autem tam multa scribantur, tamen non est negandum, multa adhuc scribi posse, quae non scripta sint, prius, cuius rei causa est praesertim apud Germanos nimis circumscripta libertas sentiendi. Odium & invidia quibusdam eruditae propria adeo dominantur veritatis studio, ut si vel ab unius oraculi putantii discesseris effato, statim pronefcio quo habearis haeretico. Vindicarunt enim sibi etiam ius circa haereticos Philosophi, diffamari satis audacter quandoque edocti. Unde non longo abhinc tempore iurabatur strenue in verba Magistrorum, posterique magna cum voluptate Antecessorum sputa lambebant. Huic mori cum se opposuerunt viri de meliori

† Lib. I. p. m. 167.



lioni facti metallo, qui ingenio veritatis amore ducti modeste a veterum, ubi res postulavit, decretis decesserunt, clamaturnum est, ubi res postulavit, decretis decesserunt, clamaturnum est, vidimusque vnica hac ex causa vniuersae rei literariae interitum eiulanti voce minitantes. Hinc antiquatas logicorum ineptias, plusquam deficientem ethicorum mediocritatem & sanctissima ignorantiae asyla physicorum innumeris circumvallarunt veteratores isti, Nouatorum, Haereticorum, & quod magis est Atheorum, scilicet idola non colentium, nominibus. Hoc modo tot reprimuntur publico bono nata ingenia, tot supprimuntur vtilissima sapientiae volumina, tot absconduntur inuenta feris posteris profutura, tot odio exponuntur veritates. Si autem hoc non est impedire sapientiae incrementa, dubito an stultitia sapientiae nomine imponat hominibus. Recte hinc in hoc odium libertatis causam conio-  
cit Illustris CHRISTIANVS THOMASVS † cur non maiores in sapientiae studio fecerimus progressus. Itaque eruditissimus VIVES inter causas corruptarum artium non

C 3

vlti-

† in kleinen Schrifften n. X. p. 459. conf.  
Einud. defensio doctrinae characteristicae  
Clar. Temzelio opposita.

ultimam facit præposterum hæretificandi studium. †

§. XVII. Pertinet & huc humilis de literis humanioribus & philosophia persuasio, qua qui iudicium in crumena habent, illas alto supercilio contemnunt, hanc vero trium superiorum facultatum ancillam constituunt. Inde insuper habitis linguarum, eloquentiæ solidioris fundamentis prouunt plurimi ad facultates superiores, ut habeamus Theologos, lētos, Medicos & inter hos tamen desideremus eruditos. Inde tot miseræ tum sacrarum literarum, tum legum romanarum interpretationes. Inde est quod maxima horum pars vix quicquam præstet, nisi quod methodice & secundum artis regulas garriant. Temporis & instituti ratio non patitur hæc ulterius proseguere, neque id mukum haberet ponderis, dum enim illi qui maiora docent, hæc studia impense non commendant, irritus est labor. Credit iuuentus ineptias hæc esse, ad finem prope- rat, inhians titulo, officio, thoro: persuadetque sibi hæc saltem ab harum literarum studiosis aut ex coeco earum amore disseri, aut ex causis propriæ utilitatis. Illorum itaque, quorum maior apud hos est fides, officium est, eos a superficialia & male funda-

† vid. de causis corruptarum artium L. 1. p. m. 33.

fundata ad veram solidam constantemque sibi adducere eruditionem. De Philosophiae contemptu res est notior, quam ut multis commemorari debeat, cum paucissimi sint adeo eruditioni deciti, ut disciplinas philosophicas sibi sumant iuxta serie pertractandas, existimantes harum rerum nonnisi in schola esse usum, quae tamen per omnem vitae cursum se diffundunt. Causa huius contemptus non vitima est *insubtilis & perversa opinio de instrumentalitate Philosophiae* (sit venia verbis quae utitur REALIS de VIENNA\*) qua sibi persuadent, nullum esse Philosophiae vltum, quam in terminis explicandis, quibus utuntur reliquae eruditionis disciplinae. Equidem annuo, si Philosophia nil aliud ageret, turpissima esset ancilla; ast postquam, ut SENECA\*\* loquitur, non in verbis sed in rebus est, & totum mundum, scrutatur, optimam insuper vivendi rationem praecipiens, tunc non ancilla sed soror est reliquarum disciplinarum, quippe quae non minus ac illae Numen sui autorem habet. Ast causa huius persuasionis est simplex hominum ignorantia qui suo aetate misera quadam & terminiloqua philosophia decepti nova spernunt eiusdem incrementa, & quicquid producit, ob novitatis speciem

\*\* l. c. p. 9. \*\* *epist. XVI. & XLV.*

ciem reformidant. Hinc audias saepe viros alioquin optimos iuventutem sub specie pietatis ab his auocare studiis, ac si nil prodesset philosophia ad maius lumen recipiendum: aut si non auocant, inficeta tamen opinione eamdemque post Theologiam tractari iubent, ut scilicet omnia inuertantur, & in dies crescat eruditionis confusae confusio.

§. XVIII. Quemadmodum autem Philosophiae haud iusta aestimatio, ita quoque sapientiam impedit ignoratio verorum conceptuum de eruditione, quatenus generaliter spectatur. Enimvero si nescias quid sit vera eruditio, & quae sint eius partes, & quomodo illae cohaereant, quomodo iudicium ferre possis de singulis disciplinis? Interim certissimus sum, plurimos qui eruditionem colunt, & de sororio disciplinarum vinculo plurima verba faciunt, istud vinculum non posse ostendere. Optime his consulere studuit D. GOTTLIEB GERHARD TITIVS, † qui meditationes suas ad disciplinam generalem de eruditione destinavit. Ut autem huius ignorantiae multae sunt causae, ita quodammodo confusio occasionem dare potuit recepta distinctio eruditionis in IV. ut vocant, facultates barbaris secun-

† in arte cogitandi c. XIX.

seculis haud dubie nata. Id sane certum est facultatum nomen antiquioribus temporibus, eo quo nunc venit, usu non obtinuisse, adeoque nec distinctioni modo dictae aliquem fuisse locum. IVSTINIANI tempore rem aliter habuisse inde apparet, quod Grammaricorum, Rhetorum, Medicorumque saltem faciat mentionem, † quemadmodum & ubi ex professo, quod aiunt, de eruditis agitur †† huius distinctionis nulum apparet vestigium, adeo ut eius origo non multum ultra annos seculi XIII. post C. N. sit referenda, consentiente HERMANNO CONRINGIO. ††† Sufficit inadaequatam hanc eruditionis diuisionem facillime inferuire potuisse disciplinarum confusione, multumque contulisse, ad inordinatas de eruditione ideas concipiendas. Inde pretium disciplinarum ususque statutus est secundum receptum ordinem, mixta sunt instrumentalia principalibus, instrumentalibus principalia, & quilibet contentus fuit vnam harum ambire gratiarum. Inde nata sunt semidoctorum secula, confusionis periodi, ut quandoque eruditis nominibus superbientes nesciant, quid eruditionis nomine

† L. I. §. tit. XXV. §. 15. †† L. X. C. tit. LII. de Professoribus. ††† in antiquitatibus academicis, suppl. LXXVI p. 373.

ne contineatur. Ostendendus hinc est sedulo nexus omnium Eruditionis partium explicandaque generalis eius natura, nisi velimus aliquando inter semi eruditos perdere sapientiam ac eruditionem.

§. XIX. Atque haec sunt, quae de sapientiae impedimentis nunc quidem in medium proferenda putauimus: poterant verumque plura produci, sed infinitus sic fuisset suscipiendus labor. Quo enim oculos perconuertimus, ibi noua se obtulere obstacula. Specialiorem considerationem impedimentorum cuiusque studii nemo facile a nobis desiderabit, cum libenter eam captum nostrum transcendere confiteamur. Praeterea nec debuimus nec voluimus hominibus rixosis ansam praebere, de nobis querens quod falcem in alienam messem mittamus. Qui mente libera rem considerabunt, etiam hac in parte sibi met ipsis facile contenti erunt, & ex generalioribus meditationibus quasdam specialius poterunt applicare. Dedi interim huius rei specimen in praetextatione nupera ad illustris THOMASII Iuris prudentiam diuinam germanice conuersam de impedimentis Iurisprudentiae naturalibus quibus facile alia plura addentur. Quae reliquum est, vti non nisi veritatis voluntis publicae causa haec consignauimus.

ita speramus quoque eadem non aliter a bonae mentis studiosis acceptum iri, quam ut emendentur placide communia vitia, utque remoueantur, quantum in vnius cuiusque situm est viribus, quae cursum sapientiae impediunt. Quem si quilibet actionum suarum habuerit scopum; nullum est dubium, fore ut demum aliquando ultra omnes, quae obstant, remoras caput erigat vera & solida sapientia, quae non nisi cogitatione veri & actione boni continetur. Eat in partes nostras benignissimus Deus, adsitque conatibus, qui omnis sapientiae origo atque centrum existit.

F I N I S.







INSTRUXIT

JOANNES EDUARDUS ERDMANN

PHIL. DOCT. PROF. PUBL. ORD. IN UNIVERS. HAGEN. C. VITEBERG. CONSOC.

PARS PRIOR.

---

CUM LEIBNITII EFFIGIE.

---

BEROLINI